

746 Dô disiu rede von im geschach,  
 Parzival zem heiden sprach:  
 »wâ von sît ir ein Anschevin?  
 Anschouwe ist von erbe mîn,  
 5 bûrge, lant unt stete.  
 hêrre, ir sult durch mîne bete  
 einen anderen namen kiesen.  
 solt ich mîn lant verliesen  
 unt die werden stat Bealzenan,  
 10 sô het ir mir gewalt getân.  
 ist unser deweder ein Anschevin,  
 daz sol ich von arde sîn.  
 Doch ist mir vûr wâr gesagt,  
 daz ein helt unverzagt  
 15 won in der heidenschaft,  
 der habe mit rîterlicher kraft  
 minne unt prîs behalten,  
 daz er muoz beider walten.  
 der ist ze bruoder mir benant;  
 20 si hânt in dâ vûr prîs erkant.«  
 Aber sprach dô Parzival:  
 »hêrre, iwers antlûtzes mâl,  
 het ich diu kuntliche ersehen,  
 sô würde iu schiere von mir verjehen,  
 25 als er mir kunt ist getân.  
 hêrre, welt irz an mich lân,  
 sô enblæzet iwer houbet.  
 ob ir mirz geloubet,  
 mîn hant iuch strîtes gar verbirt,  
 30 unz ez ander stunt gewâpent wirt.«

iu e. (an I) \*G \*T  
 sol ich \*G (ohne Z)  
 st. zuo B., \*T (I)

sîn wir beide ein A., \*T · unde ist \*G (ohne I)

der h. \*G \*T  
 unde h. \*G (ohne Z) (\*T)

er müeze b. (ir beder muze I ez mûsz beider L er muz beider Z) \*G (\*T)  
 mir genant; \*G (ohne I)

er om. \*G (ohne Z) \*T

unz (mit U) daz ez \*T

---

\*D: D \*m: m V \*G: G I L Z \*T: U

---

1 Initiale D m V G L Z 5 Initiale I 13 Majuskel D 21 Initiale U · Majuskel D 25 Initiale I

---

19 benant] genant \*m 21 dô] om. \*m (nur m)